




0-154

750

U6071

Q.1000-

R2815









*Tegimus et protegimus.*



Serus in Cælum redeas, diuq; Latus intersis populo Quirini.





GRATULATIO  
P A N E G Y R I C A

Q V A M

EMINENTISSIMO, CELSISSIMO,  
AC REVERENDISSIMO DOMINO  
DOMINO

GUIDOBALDO

EX COMITIBUS

D E T H U N,

S. R. E. C A R D I N A L I,

ARCHIEPISCOPO

S A L I S B U R G E N S I,

SEDIS APOSTOLICÆ LEGATO,

EPISCOPO RATISBONENSI,

AC TRIDENTINO,

S. R. I. P R I N C I P I,

NEC NON

S. C. M. AD COMITIA IMPERIALIA  
PLENIPOTENTIARIO &c.

*Ad singulas Dignitates meritissimò acceptas*

Ex humillimo obsequio

Pro Novis ANNI M. DC. LXVIII. Auspiciis,

*Primis itidem Calendis dixerunt*

MUSÆ SALISBURGENSES.

THE NEW YORK

LIBRARY

ASTOR LENOX TILDEN FOUNDATION

GUIDANCE

IN THE

USE OF

THE NEW YORK

LIBRARY

ASTOR LENOX TILDEN FOUNDATION

NEW YORK

1900

NEW YORK

NEW YORK

NEW YORK

NEW YORK

NEW YORK

NEW YORK


NEW YORK

NEW YORK

NEW YORK



EMINENTISSIME CARDINALIS,  
PRINCEPS AC DOMINE DOMINE  
CLEMENTISSIME &c.

 Uis nunc Musis divinum esse  
genium neget, ipsasque vates?  
Salisburgenses latuerunt si-  
lentij propemodum reæ.  
at ecce ! ut ex felici præfagio novum  
honorem , cæteris , quàm autem mul-  
tis ? superimpositum justo tempore ad-  
gratularentur. Itane justo ? Veterrima e-  
quidem religio tam honores auspicanti-  
bus, quàm accinentibus primas anni Ca-  
lendas sanxit. Credebantque, Deos illo  
initio in reliquos menses decernere:  
eorum igitur proposita , qui in melius  
exorandi essent, libis, votis, supplicijs-  
que præoccupanda, priusquam in fata  
exissent. Tua quidem Eminent<sup>me</sup> PRIN-  
CEPS Honorum frequentia, & magni-  
tudo, ordinem non servat, in unum pro-  
inde, certumque diem nunquam cogen-  
da. Dignitatibus increfcere, Tibi cottidi-  
anum est ; ijsque capiendis annum con-  
ficis.

)(



ficis. Ubi scilicet nullus meritorum finis,  
nec modus etiam præmiorum est; atque  
adeò nec gratulandi. Quotusquisque  
clarorum Virorum ita Musas exagitat;  
nempe ut ab omni sacro recessu, condic-  
to velut labore Uni undique complaudant,  
auresque occupent? Benè profectò au-  
diunt, quibus sic adclamandum est. No-  
stram moram, voluntati, an præfagio tri-  
buas; inde æqua, hinc felix est. Volui-  
mus enim gravibus Phœbææ illius, &  
dulciloquæ turbæ apparatus nihil in-  
terstrepere: & à quamprimum ad Te co-  
nantibus, non opprimi. simplex nostra  
oratio est, ac sine coloribus; tam procul  
à figmentis, quàm pigmenta his pro-  
pinqua sunt. Enim verò ad faturam a-  
deò Tuam Purpuram, quid inanis fucus?  
Nudè ac breviter, ut verum amat, fir-  
mamus, quas alii laudes cumulave-  
runt. quamobrem & postremi sumus.  
quid verò etiam dicturi? Numeris, lit-  
terisque obviam, ac ultrò lætum omen  
ferentibus: GVIDO BALDO TRIDENTINO  
EPLISCOPO FAVSTA ANNI INITIA! Felici-  
tas, quæ Te circumdat, quantum suis-  
met

met incrementis fermè nimia, videri perinde & periculosa possit: nisi sacra omnis esset, atque à Diis pro merito largientibus. Hoc titulo jam porro fortunæ securus augeri perge. Decentissimè, rectèque suprema munera obit, qui non ambit, dignus requiri ad non quæsitâ. Quod aliud domesticæ peritiæ, industriæq; manifestius testimonium, quàm ad aliena gubernacula rogari? Et, quando honorem non transfert defectus Candidacorum, sed agnitio alienæ præstantiæ? Qui Romano Galero caput haud indoneum supposuissent, facilè in Italia exercitus esset: Germaniæ tamen Primas, ad capeffendum eum primas tulisti. Dignitati Ratisbonensi unica dignitas Tua fuit: non quia aliorum nulla; sed nulla tanta. Tridentum eâdem Te viâ petit, quâ in primis Salisburgum à summis officiis ad Principatum; inde Cæsar ad vicariam Imperii potestatem; paullò post ad purpuratum suum Collegium summus Pontifex; Ratisbona nuper ad suum clavum. Vnde cui non appareat, quàm virtus tua jam sit exemplaris? Non occulto



abs omīne sua in confinia Te trahit Italia,  
quod si similiter præsentimus, tunc de-  
mum vota compleverimus. Interea ad  
ingentes hosce gradus gratulatoriam no-  
stram Panegyrim, sinceriores, quàm poli-  
tam, aut exactam, novique inter anni au-  
spicia sacratam, eo favore, quo Musarum  
aliàs pignora soles, accipe. Tibi quidem  
EMINENTISSIME PRINCEPS, coeptis ho-  
norū incrementis; toti Orbi, paratæ per  
Te Pacis proventu; Nobis, præsenti  
tuo aspectu & fructu novum, felicemque  
Annum comprecamur. Vale, & vive, ut  
hactenus laborasti, universis. Salisbur-  
gi die 13. Januarii M. DC. LXIX.

EMINENTISSIMÆ ET REVERENDISSIMÆ  
CELSITUDINIS TUÆ

*Humillimum*

Collegium Benedictinum  
Universitatis Salisb.




I.  
IPSE VIAM REPERIT.



Burck: Schramm an d:

G. And. Wolff: f:

STANLEY 1874 1875 1876



Agnum adeò nihil est, quod præpetes Famæ pennas moretur, aut fatiget. Immo celebria multò promptior est, ut excipiat, latiùsque in Orbem differat, excuba semper, nec vel in arcanis usquam dissita Magnatum arbitra. NON ENIM TENEBRÆ, NON SOLITUDO OBSTAT, QUOMINUS IN VULGUS DIMANET, QUIDQUID EGERIT PRINCEPS. Eademnum ergò causa est, cur grandia Principes, & sibi tantum paria exquisitis agant studiis? at natu velut magna sunt, quæ à magnis; eoque conspicua, dum eminent. Fama verò etiam in longinquum exponit; Facitque ut talis virtus, non montium instar, & suos nempe intra fines tantum appareat. Fulgebas jam olim Salisburgi futuræ spei manifestis, ac Purpuram prælucentibus virtutum radiis Eminent.<sup>mc</sup> Cardinalis, velut pulcherrima in ortu aurora, utique plenum, totumque simul diem mox Cælo illatura. Non magis igitur quàm sol, sagacem latere Deam ornamenta sic illustria poterant, quin volucra sua negotia in totum ferme terrarum orbem, quam primum expediret. Jamque post admirantem Germaniam præclaras Italiæ oras, jam omnem Romæ viciniam, denique & sacerrima Quirini penetralia eximii GUIDOBALDI præconiis implevit, velut uni servitium pacta. Utinam verò, sicut rebus levibus hoc Numen sæpè nimium est, maximis etiam sufficeret! Omnia quidem, quæ summos gradus excedunt, suummet etiam encomium solent. Exteri Hercle, quibus omnis in solâ famâ sita fides est, insolita facta facile pro fictis habuerint. Illi ergò integram rerum tuarum

A

seriem



feriem meritò à nobis exigent, ut inquilinis, & exempla præsentia coràm expertis; perinde nec famæ, aut fidei periculo laborantibus. At earum magnitudine tamen, ac splendore præstringimur: quemadmodum qui solem quidem omnem conspicientes, haut singulos item percensent radios. Tentamus nihilominus, non solemnem autem Purpuræ acceptæ pompam exponere, quâ ante Te, & nunc Tecum multi eminent; sed causas, quibus Tu ante quamplurimos. Neque enim laudabile est dignitates adipisci, sed quantis meritis. Ea si pauciora, seu parcius descripta inveneris: quòd deficeremus, copia fecit, quæ semper solet obruere. Si concinna minùs, minùsue composita: tum verò demum persuadeberis, inter gaudia & plausus, ubi nulla mens satis constat, concepta esse. Quid, quòd ita ferò, ac jam post alios accinimus, præ omnibus Tui? Primum quidem in tanto Tui desiderio quomodo, ut liberis opus est animis, plauderemus? Deinde ad singularem tuam laudem pertinet, post aliorum in eandem studia, nobis superfuisse. Sed nec postremi sumus: quoniam post nostra, plures utique alii arcaniora, eoque magis digna in lucem, ac tuam gloriam sæpè ac serò emolientur: **ÆTERNUSQUE HONOR ANNALIUM, NON HÆC BREVIS PRÆDICATIO COLET.**

- II. Principibus cœlestis origo est. propterea, etsi inter mortales, tamen supra habentur: eorùmque majestas & cultus secundum Deos est. tum quia in subjectum orbem potestas, simillima omnipotentia videtur; & generis antiquitas, æternitati. **GUIDO-BALDUS** nullâ parte mediocris, insigne argumentum esto. Natales Illum à multis sæculis jam Illustrissimi ediderunt. ut ne miremur, vel Serenissimis nunc præfulgere: prosapia eximiè sublimis; unde Is Celsissimus: Eminentissimum denique enixa virtus est. Origo **THUNNENSIS** Clarissimæ Gentis, longius  
in

II.  
TENDIT IN IMMENSUM.



Burck: Schwanen-d.

G. And. Wolff: f.

11

THE AMERICAN INDIAN





in sese retrovoluitur, quàm ut primam assequamur. Principale Nobilitatis decus est, fastis & Imaginibus ævo fatiscentibus notari; maximum, annalium notitiam usumque præuenisse. Tum verò immensa ea, ac genuina nobilitas est, cum aliter, quàm virtute metiri non possis; neque Majores, nisi secundum posteros censere. Philolophorum Principi NOBILES VIDENTUR ESSE, IN QUIBUS MAIORUM VIRTUS INEST. Tantæ ergo progeniei quid curiosi initia petamus? quæ pridem utique fuisse, & non alia, quàm fortia debuerunt, ac laudabilia; nec enim inignavis duratura: Siquidem NULLA NOBILITAS INTER MALOS EST, SED INTER BONOS TANTUM VIROS: Sic Euripides Thunnesium authores ex obliviosæ, aut sæpius incuriæ vetustatis umbrâ in lucem supra populum, & vulgus educit. Tredecim antè sæculis, (quantus temporum recessus!) S. Vigilius Româ secum Thunneses Tridento invexit jam eximiam nobilium gentem, Pincernæ tunc officio fungentes, adeò & in aulâ jam fulgentes. Ab ævo & loco genus æstima: à Duce, comitum integritatem. imò à purpurato nunc tanto Successore S. Antistitis constantem vivamque suum erga Tridentum curam; deinde tot per ætates continuo meritam Thunnesium virtutem. Interceperit rudior, vel afflicta antiquitas primorum nomina aut facta vitæ lucique debita, tanto tempori iniquè culpam imputes: fecit, quod necessario solet. nimis annis ne columnæ satis sunt faxeæ, ut earum fastigia dilabantur. Postremis tamen è reliquiis, etsi capita non appareant, conjicitur, quàm celsa olim sustulerint. neque æstimatio cum illis cadit, jacetve, sed exurgit. Superstes Gentis huius numerus, uti fructus est sepulti: tam certa spes & germen est futuri. Verrimi licet authores partim laterent: tam glorioso ex incremento patet tales fuisse. Præcipua gloriæ pars est, nobilitatis principia meminisse ne per monumenta

posse. antiquissimâ enim ætas, simul simplicissimè sincera fuit, nec ambitiosa quid jactaret serò victuris, sed quid quamprimum strenuo exemplo esset; suis annis, quàm suorum annalibus intenta. Ergò Romæ hoc genus ita pridem inter nobiles, id est, Equites, etiamdum verè Romanos, cultuque egregio; quibus sublimè à vulgo stare, atque præstare oportuit? Satis dictum. vel hodie in hanc historiam divertenti obvium est, quanti ea tunc apud Quirites dignitas. Quis non miretur generosi adeo vicinamque Diis senectam? Præclara illa Thunnensium prima monumenta ex luce Vulcanus in fumos cum Fortunâ abstulerit: non perinde extinxit, vel tum mobili illo Numine nobiliores, cuius invidiâ digni, maioresque fuêre. Subductis ad unum usque ex vitâ Fabiis, Quintus virtutis hæres, posteritati & memoriæ solus super, satisque fuit, à quo genus universum censeretur. Thunnorum præstantia semper plures servavit, quàm ut deficere possent; semper illustriores, quàm ut latêre. Ecce enim Conradum de Thun antiquitate ac religione celeberrima illa Eremus, ac Helveticis jugis incubans admirandæ Virginis felix Ædes Ill<sup>mos</sup> inter suos Principes & Antistites numerat. quem verò illa, nisi sanctæ suæ dignitati parem? Eò usque Eminent.<sup>mc</sup> Princeps, Gentis tuæ gloria venit, ubi primas Tibi ipsa ad Salisburgensem hunc Præsulatum invidere videatur; nisi secundæ digniores forent: quoniam eodem in sanguine honoris incrementum à frequentiâ præstat exemplorum. Sagaciores fasti jam pridem Gentili tuo Archiepiscopale hoc Pallium, hanc Mitram imponunt. imponunt & fallunt, qui non asserunt; Ottonianis scilicet illis turbis, & vicibus confusi, deceptique. Secundus igitur ex Thunnensibus Juvavi summus es Antistes. Secundus. nempe felix; & numero, quem primus non habet, fœcundus. Rarissimum verò, atque huic sanguini certè unicum virtutis, honorisque sit speci-



III.  
TANTUM CONCEDIMUS UNI.



Burk: Schramm d.

G. And. Wolff: f.





specimen, tria capita eodem non sæculo, sed anno, septem præcipuas gestare Infulas, atque ex ostro insuper galerum. Quanta Capita! quæ singulis tantis mitris decentissimè quidem, necdum satis tamen dignè, aut pro meritis ornentur; pro ingenii, prudentiæque magnitudine non opprimantur.

Suum cuique siderum decus inest: nec viliora III. sunt, quantum aliqua non emicant. Sol ipse utiliori luminis fructu, non item meliori origine constat. Tantus illi reliqua inter sidera splendor exoritur, ut collucere non possint, quanquam & sidera. adeoque Sol quasi solus ex innumeris Cœli ornamentis. Admitte Clement.<sup>mc</sup> Princeps, si Te inter cognata tua Astra, quidni enim astra? sic magna, sic sublimia, sic fulgida. si Te solem, solúmque inter illa suspicimus. Stellis nulla injuria est, paribus cum sole radiis non fulgere. quis enim orbis tot Phœbea ferret incendia? Neque astrorum decus ille imminuit, quòd excellit: ita Genti tuæ, quamlibet Illustri nihil suà de luce decedit, quando accedere Tibi non potest; & cum Tibi cedit soli. Nihilo Tui minùs eminent, quòd Tu es Eminentissimus. Inde etiam sole maior, quia cæteras faces non extinguis; & facis apparere. quin tanto singulariùs dilucent, quanto Tibi propiores: propioribus non invides, quia superas, contentus prælucere. Familiarum, quæ & annis & sobole grandem in numerum crevère, vix una non unum aliquando, rariùsque tulerit exemplum: vix altera simile. Validiora huic generi capita proveniunt, atque ad ferenda quævis gravissima novæ vires. Atlas, Poëtarum fide, veterem gestavit orbem, sed Hercule succollante. Hac nostrâ prodivit è progenie, qui, postquam veteri accessit novus, tantundem aucto sufficiat solus. Fortè Sigismundus de Thun in tantæ laudis censum assurgat. Ille equidem duorum Cæsarum Orator, quando de fide ferè actum erat, summiscum rerum sacrarum arbitris Tridenti satagebat. Uno sit  
B maior

maior oportet, quisquis duos referre potest. quantus, si & Cæsares? Magnates, cum aliàs causæ suæ quidem præsentia dignæ, opportunæque sunt; libentius tamen eos ad negotia delegant, in quibus feliciorē, quàm in seipsis peragendi facilitatem norunt. Unde Oratorem æstimes, à quanto, ad quanta negotia destinetur. Num palmam Sigismundo Christophorus Simon in dubium vocat? Pluris nimirum existimari, qui Cæsari præcepta dederit, quàm acceperit. Isto duce Ferdinandus Tertius brevi anteire omnes; immò & parendo didicit, quid cunctis imperaret. Quando autem ullius unquam alterius tanti intererat, accuratissimè ad sceptrum institui? uti qui exorbitantes undique provincias in ordinem; totam Imperii amplitudinem fame, bello, extremis malis omnibus periclitantem, in securam quietem; universam demum Germaniam miserè direptam, disruptamque in integrum (quis labor, quod opus!) reducere deberet? Certum est, docentis, ac discantis felicitatem vices requirere: & hanc in tirone pro indolis celsitudine, aut humilitate surgere, vel jacere. Plebeiis, quibus omnia magna, adeò & ingenia, ab laboriosâ ferè fortunâ obtingunt, necessarium est erudiri: Principes nascuntur tales. Propterea, quidquid addiscunt, iis superfluit; ut magisterium sæpè certet cum naturâ: & dubites, UTRUM EFFICACIUS SIT AD RECTE VIVENDUM BENE INSTITUI, AUT FELICITER NASCI. Nemo tamen inficietur, Magnos istos, donec parvi sunt, opus habere ducibus: quòque altius caput gerunt, fortius illidi, si liberè errent, vacillèntque. In Magistrum verò redundat, quantum boni malive tiro hausèrit. Gratia quidem illi semper debetur, dummodo semel hunc ad frugem duxerit. aliqua, si quandòque revertentem; integra, si mansurum. Itaque August.<sup>mus</sup> Ferdinandus ex Christophoro æstimandus: sed huic etiam sua gloria secundum Ferdinandi magnitudinem accensenda



IV.  
OMNIA PRUDENTI.



Burck: Schwanen.d:

G. And Wolk: f.



senda est. Ex Helveticâ germanæ fidei illâ gente Author est, THUN ibi nominatam olim urbem stetisse, eodémque nomine Primates illius viros, & genus. Horum aliquem in aulâ Bizantinâ summum Ministrum; deinde Orientalis illius Imperatoris tres annos captivi vicarium, veriùs utique ipsum Cæsarem egisse, & permanisse. Nihil Hercle gloriosius. Tantos per gradus denique ad GUIDOBALDUM pervenitur: qui hodie sub Occidente sole, quantum Imperium protenditur, rerum summam, dici haut potest, quantâ suâ cum industriâ, nostro autem fructu, prope sexennium gerit nec dubium, quin Eoum illum gentilem suum regiminis difficultate, longissimè verò communis in tot laborantes prouincias, beneficii merito antecellat. At quantum scepro pondus accedet, si tres Intulæ amplissimæ? Ista Eminent.<sup>mc</sup> Princeps hucusque ad Te spectant, quò constet non ex latente, seu vili, sed propagatâ in publicum lumen, longumque auctâ virtute, tantum Te demum totius tuæ prosapiæ, sed & Jovis incrementum prodiisse. Incrementum sane! Post enim Martis Tribunos, Prætores, Legatos, Duces; post aulæ Consiliarios, Oratores, Præfectos, Principes; post Sacrorum Præpositos, Præsules, Episcopos, Archiepiscopos, in geminâ tandem purpurâ S. R. Imperii Pro-Cæsarem, ac S. R. Ecclesiæ Cardinalem in dignitatum apicem producimus.

Haud ignotum est, ut jam olim juvenis, cùm IV. Ill.<sup>mo</sup> Salisburgenfi sacro Collegio adscribereris, summam Tui opinionem dextrè ominantibus injeceris. Enimverò etiam tum ad sublimia quæque animosè contendisti, cùm aliàs magnus, ac citra inertiae notam quiescere, aut certè remittere potuisses. Collocasti igitur ad altiores litteras sagacem adolescentiam, quamlibet barbato Philosopho parem: ingenium ex sanguine celsum, ex Te industrium; utrinque mirabile. Quæ enim multum anxia, néque nobilium esse, néque è



magnis solent: acuta autem, ac prompta ut affudent, nisi cum superare cuncta volunt, haud indigent. Omnia itaque prævorti Tibi animus fuit: idoneus Hercle, & felix, quæ velles, adipisci. Néque alius major est, quam qui difficillima ausit; ausit verò, quæ & possit. Specimen nimirum ac spem præmisisti in hos annos, quando Te Cæsaris instar oportet magnum esse; nec possis tantus, si non industrius; aut quod propius Genio tuo dictum: facile, feliciterque laboriosus. Quæ tunc alii inter artes inquirebant, Tu attulisti: quæ discabant, exercuisti, doctus

*Quidquid Democritus risit, dixitque tacendo*

*Pythagoras* - - -

Abhinc universam pœne Europam permigrasti. Multum enim INTERDUM EXPEDIT PATRIAM NEGLIGERE, UT SAPIENTIAM QUIS POSSIT ACQUIRERE. Linguas igitur, omnia præstantia ad Remp. & regimen momenta, in unum congesta caput reversus adduxisti; sic peritus extera loquendi, atque gubernandi, velut nusquam peregrè, ubique domi fueris. Plurimi in orbem exeunt, haud aliter, atque ut circumeant; vitia consectantes, tanquam rara, ac perinde ex longinquo acquirenda: pileum, nec adeo caput mutant, ornantque: domum reuerſi, etiamnum hospites, atque in Rempub. & Patriam, nihil præſentes. Tu dissitas moratasque regiones sic pervidisti, quò melius provideres olim Tuæ. ex Tullio doctus, AD CONSILIUM DE REP. DANDUM, CAPUT ESSE, NOSSE REMPUBLICAM: domesticam, quidem optimè ex perspectâ aliarum notitiâ. Sed enim quomodo nunc Imperii ac Orbis capita duceres, si quondam ista non videres? quomodo demum de orbe rectè decerneres, quem antea non cerneres? supremi rerum civilium Magistri sententiâ, CONSILIUM EIUS EST, QUI REI CUIUSQUE PERITUS. Quid multa? Profectus es ut proficeres, atque inde tam perfectus,  
Paullo

Paullò postquam redux, ab Ill<sup>mo</sup> sacróque Salisburgenſi Magistratu lectus Decanus fuiſti : deinde decumano saltu electus Princeps. Nempe ut Sylla primùm Tribunus, qui AB EO MAGISTRATU ALIUM POST ALIUM SIBI PEPERIT : SEMPERQUE IN POTESTATIBUS EO MODO AGITABAT, UT AMPLIORE, QUAM GEREBAT, DIGNUS HABERETUR. In id Archipræſulatus fastigium non prodeſt, utut eximiis, tantummodo naſci, quin ſimul & fieri. Iſtam ad utrumque neceſſitatem Tu demonſtras, aut facis. Oſtendis enim Principem merito nullum naſci, qui non & fieri dignus ſit : & Principem merito nullum fieri, qui non & naſci dignus fuerit. Tanta námque ad hos apices virtus exigitur, quæ & inertem Principem dedignetur : néque talem dignari poſſit, qui ingenium paratum quidem, at non jam partum habeat. Dignitatem albi puli, & hujus mentis multi obtinere ſine dignitate, hoc eſt, virtute poſſunt : mereri, niſi per hoc, quod ipſa eſt, nemo. Ergo in Dignitate non cenſeatur, qui non cum illâ : ubi natalium fortunam neceſſariò jungimus virtuti. quia virtus ad honores ſupremos vix cultu ſolo, ſi non ferè & natu ſingularis, ac tanta eſt. Et quam Magnatibus communi aliquâ felicitate celſus animus connaſcatur : tamen etiam hos Numen impariter obligat. Enimvero omnes quidem Magni vulgum; dein & Magnorum aliqui cæteros Magnos; hos demum aliquos pauciſſimi, atque unici & omnium maximi antecellunt. Ita olim cum Salisburgi vacaret, Ill.<sup>mos</sup> inter Collegas tuos omnem invidiam ſuperaviſti, vel nec perpeſſus : ſuffragiis colludentibus ad Celf.<sup>mum</sup> Principatum evaſiſti, ſolâ hætenus occaſione minor. Calculis quidem tunc primum apertis, ad potentiam illam publicabaris : communia tamen vota, vix diutiùs diſſimulanda, jam Te diu exſpectabant. Glorioſum erat tot conſpirantium Collegarum calculis deſignari : finiti tamen hi fuerant. ex populo ſi collecti forent, urna nulla cepiſſet

piſſet Valdè mirum illos, quibus eadem honoris tanti ſpes eſt, in unum quempiam velut ex decreto convenire. mirabilius; ſi, quem communis æſtimatio diu prætulit, i bi adhuc duret; ubi æmulatio, ejusdèmq; commodi occaſio amicitiam, vel conſtantiam indemniter frangere, nam occultè poteſt; ac propterea ferè ſolet. Tutiffimum igitur novo Principi auſpicium Tibi, ſolatiùmque fuerat: antea cenſeri, quàm vocari. EST ENIM DEMUM VERA FELICITAS, FELICITATE DIGNUM VIDERI. Tunc

*Pulchrum eſt digito monſtrari, & dicier, Hic eſt.*

Quò autem univerſa eſſet, illa Tui in fatiſ etiamdum, & arcana deſignatio: ſincera, ac prope infans juventuſ ſua quoque vota ominabatur, ſeu omina vovebat. Non indignabere Clement.<sup>me</sup> Princeps, in futuram tuam dignitatem luſum, ſed ſeriò præluſum. atque ut certiore Numiniſ indicio, ac eventu: ab innocente turbâ. Puerorum etat. & ex hiſ ferventior unus, cæteriſque ſacræ rei autor, an vates? Kalendarium quaſi neceſſariò furto aufert in publicum trivium: ſocios cogit, ſolemnnem ludum docet, ac indicit jam initiò plaudentibuſ, atque opus contentioſè feſtinantibuſ. Longa illa charta, in quâ Canonicoꝝ ſerieſ, forficibuſ, cultriſque ſingulariter diſcinditur. Hinc nequicquam ambitioſè ſibi nomen ac perſonam priuſ quiſque ſuſcipiunt, quàm diſtribui potuiſſet. Viri, fæminæque multi obviam ſtare, opperiri quorſum operoſa iſta Comitia evenirent: cùm negotioſuſ ille Director, de ordine, officiis, ſed antea fidem prædicat. cujuſ qui ſacramentum neglexet, ei longâ poſthac arundine, nucibuſque interdictum eſſe. Excipiendiſ ſuffragiis ſupinatuſ pileuſ pro urnâ fuit; & longiùſ in aggeſtuſ ad aræ iſtar, ceſpitem ſepoſituſ: ut haberent nempe, quò procederent, apud ſpectatoꝝ fructuſ authoritatiſ captaturi. Igitur perſonam ſumunt, & ſilentium: ingrediuntur, illâ quiſque cum Majeſtate, quâ futuruſ Princepſ: calculoſ rite ponunt:



ponunt : hi, quibus commissum est, scrutantur, computant; & superante numero solenni formâ & plausu GUIDOBALDUS proclamatur. Claudite scenam pueri ! Haut nugas nugati estis. Superi vestrum modum ! Itane vos seria ; sacra ? Sincerum scilicet numen per ætatem sese explicat, quæ non fallit : per talem, quæ innoxia, legumque infracta, Principis integritatem præfingit. Et quia ex pueris omnes, & omnia : non aliud propius, certiusve omen Princeps habeat, qui omnibus omnia. In avibus olim ad Imperia indicium & religio steterat, ut volantibus, ut pascentibus : nullum sanctius omen, præut in nostris istis pueris sic auspicatò volentibus, ac poscentibus. Merito sibi Magnates tam secura sacraque Dignitatis auspicia gratulentur : quantum adeo & manifesta ? Siquidem nihil aliud tale omen, quàm divinæ, sed arcanae designationis argumentum est. Neque dulcius, aut tutius Principes imperium, cives obsequium capessunt, quàm destinatum. Atque tum illi se potentes æstimaverint, quando à suis non temerè, aut studio correpto tales censentur, sed decreto. In honoribus conceptâ dudum opinione primum est, mutare mores. Mutare ? at Principis, quo nutante & mutante, cuncta nutent & mutant, maximum constare. Deinde amore quoque excidet ; si iis moribus, propter quos dilectus est. Mutasti. Non aliter autem, quàm tantis gradibus augendo, quantis ipse nunc à Te, nuper Illo, distas. altior, necdum alius : & POST TANTA NOMINA QUOD AD TE PERTINET PRIVATUS. Quo manifestum est, virtutes firmas fuisse, quæ in dignitate non defecerint : & antea jam suffecisse. Verum, & Consule dignum verbum : TUNC VERISSIME JUDICARI, MERUERIT QUIS HONOREM NEC NE, CUM ADEPTUS EST. Ante hac Princeps noster benignus fuerat ? nunc est Clementissimus. Prius civilis ? jam Gratiosissimus COMITATÉ, ET ALLO-

QUIIS OFFICIA PROVOCANS; adeo non exigens. & servitio apud GUIDOBALDUM vix nomen est. Summos suavi facundiâ, imos devincit gratiâ. HÆRET LATERI, QUISQUIS ACCESSIT. Rectè de ipso loqui non potest, qui nunquam cum illo.

V. Non autem affabilitatis largus est, ut muneribus parcat.

*Nil negat, & sese vel non poscentibus offert.*

Nec, si rogaveris, quæ impetrare non debeas, negabit: sed acceptiorem comitatem in medium feret, ne excesserit. Concedere enim, quæ ineptè largiatur, inconsultum; negare, tam potenti modestiæ fastuosum est: ac interim plerisque modus ad domini argumentum. Ex munificentiâ quidquid in lucem fructumque publicum collocavit, oculos occupat, & admirantium cogitationes. Ex simili fonte, quali nunc Juavus, Europa non bibit: tali in Hippodromo generosos equos non agitat. Spectanda etiam summa est Basilica; quanto marmoris opere, utrimque aulico eam palatio injunxerit. Unde advertas, bonum caput habitare, ubi cum Deo Princeps sub eodem tecto; Templum & aula una domus est. Parciusne verò munimenta, armaria? Libertati GUIDOBALDUS & paci orbem aperit, suam urbem occlusurus? Satis non valent, qui nimium vallant. Quæ alii Principes in metum habent & præparant, hic noster festivè explodit. Exteros colit, suos amat haud aliâ viâ securior. quia UNUM EST INEXPUGNABILE MUNIMENTUM AMOR CIVIUM. & MUNIMENTO NON EGERE. In hospites, quàm hostes utiliùs profunditur. Hi summis impendiis, si Dii quidem volunt, vix tamen conciliantur: illi amici jam sunt, & postea firmiores; præ omni sanè pretio habendi. ETENIM CUM PLURIMIS AMICITIIIS FORTUNA PRINCIPUM INDIGEAT, PRÆCIPUUM EST PRINCIPIS OPUS AMICOS PARARE. GUIDOBALDUS exquisitâ, ut non obviâ liberalitate



V.  
CUNCTA REFUNDIT.



Burck: Schwanen-d:

G. And Wolff: f





rate amicos parat. immo, si eo cum nomine manerent, compararet. Quotusquisque est Principum, qui, si tot hospites, etiam tantos excipiat? si tantos: an simili etiam munificentia? Inde nec vicinis Principibus tanti quisquam aliorum, prout noster fuit, cum visitaverat. Certamina, pompas, (libet licetque dicere:) triumphos propemodum vidimus de amicitia. Invitavit? invitatus est. lautissimè coluit? similiter cultus est; eo tamen discrimine: ut de aliis liberalitas, de GUIDOBALDO prædicaretur, & vocaretur munificentia. Hæc August<sup>mo</sup> LEOPOLDO Imperatorio cum comitatu plures in dies, mirum si sufficiens, at etiam superflua fuit; atqui tam & grata: ut sive libenter cœptum iter morantem, an illas delicias mirantem; saltem volentem non modò attineret: sed mox è Tyroli reversum in idem hospitium & lautitiem, veluti constrictum retraheret. Fatebantur Palatini ibi sese cum Cæsare esse. Nemo, vel cum à Cæsare inimico caperentur urbes, tantos Martis audivit plausus: quantos cum amicus Cæsar caperetur ab hac urbe. Quis ex advenâ illâ multitudine credidisset, primæ aliquid magnificentiæ in alteram superfuturum? at verò splendidior semper, & gratior, quæ postea edebatur. Quælibet dies novo obsequio festiva, Hospitis gratiam, mirum quantum proliciebat: quare non undequaque contentus modò, verum etiam recreatus demum abibat: commodum expertus, cum maiestate esse, cui suam ad Comitia commiserat. Frustra largioribus verborum impensis liberalem GUIDOBALDI beneficentiam è solo Cæsare æstimemus: nam huic omnia debentur; nec imputari quidquam potest. GUIDOBALDUS nondum Princeps, jam ad instar largiebatur: vel solo ominoso eo argumento postea futurus. Unicus tamen Cæsar, omnium caput, liberalitati eius hætenus deerat, quò minus summa esset. simul is accessit: mox augustissima fuit. Ut Cæsaris genio

cuncta sint nata; perinde Salisburgi nihil illi, quam adstructa inter, ac excogitata prandia, ad delicias forsân singulare: manifestò tamen apparebat, non alibi tanto cum gustu, compositam adeo, validamque suavitatem hausisse. Inter plurima, quæ oculis, quæ auribus adornabantur, gratissimum obveniebat, præfente & colloquente Archi-Episcopo frui. Tunc Juvarium verè felix, suâque famâ dignius ab hoc capite censebatur, ad omnia erecto, ad omnes demisso. NEMPE CUI NIHIL AD AUGENDUM FASTIGIUM SUPEREST, HIC UNO MODO CRESCERE POTEST, SI SE IPSE SUBMITTAT, SECURUS MAGNITUDINIS SUÆ. NEQUE ENIM AB ULLO PERICULO FORTUNA PRINCIPUM LONGIUS ABEST, QUAM AB HUMILITATIS. Ecce! dum ultrapristinos honores Grati<sup>mc</sup> Princeps nihil cogitas, aut nec potes: Cæsar Imperialia Comitia causis diutius non ferentibus Ratisbonæ instituit.

VI. Turbaverant Imperii ferè omnes ordines: dissidebant provinciæ: instabant, ut tunc maximè solet, barbari, frameati hostes. Principes rerum capita odio, invidiâque dissensi, auxilia, operam, manum negabant; certè fatali jamjam obstinatiâ differebant. nocentiores in periculis præsentibus auxilia morando, quam hostes occasionem sic obnoxiam festinantes. Quis in medium & solatium Hercules? Neque verò etiam ipse. Nam hac parte ista negotia difficilius laborant: quòd illi, qui possunt quæ velint; eò permovendi sunt, ut aliter velint, quàm possint. Uno verbo animi subigendi sunt. qui singulis Principibus à fiduciâ virium ad proposita potenter obfirmati; Provinciis, & Rebuspp. multi, ac varii. Animus præterea res est occultissima, & quæ alia minus penetrabilis? igni, ferro, etiam auro frustra petitur, quando induruit, prorsus nullo solubilis medio, præterquam solâ, sed potentiori ratione. Ingenium ergo omnibus prævalere debet, quod  
omnia



VI.  
UNICUS HUIC ONERI.



Burck. Schwanen-d.

G. And Wolff.

177  
J. M. O. 177



omnia sapienter convincere : unum esse , quod cætera in unanimem nexum convincire. Ita PACIS INTER-EST OMNEM POTESTATEM AD UNUM CONFERRI. Imperatorium id munus fuerat. at ille domo tunc abiret ? Barbaris patriam cederet jam imminenti-  
bus. Maneret ? Comitia procul agenda , sine capite , sine nervo , & nullo cum successu erant. Cæsar ergo curis undique & continuò superfluentibus aptissimum ex ingenti Principum coronâ circumspicit, qui succollet. posse fortunam causas, casusque aggerere, qui premant Majestatem. NEC UNIUS MENTEM ESSE TANTÆ MOLIS CAPACEM. Nemo tam ægrè curanti LEOPOLDO non condoluerit : nemo non vices utique fatigando, necessarias agnoverit : GRAVISSIMOS-QUE PRINCIPIS LABORES, QUEIS ORBEM TER-  
RÆ CAPESSIT, EGERE ADMINICULIS. Promptum tunc sollicito Monarchæ haut fuerit, quem tot è Magnatibus potentiâ, rerumque notitiâ, eò & ambitione certantibus, unicum deligeret; ne reliquos infra habere, certè præterivisse videretur. Quin ægrius forsanangebatur, ut humeros tanto oneri nullos inveniret. facile enim poterat MEMINISSE, NULLAM TANTAM POTESTATEM CUIQUAM DARI POSSE, UT NON SIT GRATOR POTESTATE LIBERTAS. Ita cogitanti , atque ultimùm statuenti LEOPOLDO GUIDO-  
BALDUS in sententiam venit, CERTIUS SAPIENTIS EXEMPLAR, QUAM HERCULES ET ULYSSES. GUIDOBALDUS? Sic, Prudent.<sup>mc</sup> Princeps, sic Imperator decernit: CUM ABUNDE EXPERTUS ESSET, QUAM BENE HUMERIS TUIS SEDERET IMPERIUM. an Romani illius alterius consilio? IN CUIUSCUNQUE ANIMO VIRTUS INSIT, EI PLURIMUM ESSE TRIBU-  
ENDUM. Plus Imperii mole non potest. Cui sapi-  
enter propterea, quod parem Cæsar agnosceret, Te præfecit. Ita enimverò sibi PROSPEXERAT, NE DESIDERARETUR. Quantæ autem hoc existimationis



argumentum est : à Supremis, cunctos deinde Status, Ordines, infinitam, hoc est, Romani Imperii multitudinem, super hos, ipsummet Imperatorem unius sese fidei credere, nec non submittere? Propius audaciæ, an veritati, certè vatis verbum est :

*Famulatur omne, quidquid est, Prudentiæ.*

Jam Sapient.<sup>mc</sup> Pro-Cæsar, ex Te tuum famulatum, ex hoc, Te ipsum computa.

VII. Optimus quisque Principum meritò censetur, cujus peritia, suæ modò provinciæ sufficit; ut non abundet. GUIDOBALDO angustum adeò Salisburgum est, ut Dignitatem augustissimam impleat. Scivit LEOPOLDUS MAGNA NEGOTIA MAGNIS ADIUTORIBUS EGERE. Itaque Tibi Eminent.<sup>mc</sup> Princeps, propriâ, potenti illâ manu scriptis litteris, suas vices & bonum publicum commendavit. Submississimè verò excusasti, ab acuto civilis experientiæ Magistro doctus : MODESTIÆ FAMAM, NEQUE SUMMIS MORTALIUM ASPERNANDAM, ET A DIIS ÆSTIMARI. Hæc, (nequa virtutum tuarum modica esset :) ad oblatum munus non persuaderi, sed repetitis conatibus à Cæsare expugnari tamen potuit. SÆPIUS RECUSARE, AMBIGUAM, AC POTIUS ILLAM INTERPRETATIONEM HABET, TANQUAM MINOREM PUTES. TU QUIDEM UT MAXIMAM RECUSASTI. Igitur victus altâ sine dubio illâ consideratione : DIGNITATI ESSE SERVIENDUM, REIP. CONSULENDUM, OFFICII RATIONEM IN OMNI VITA ESSE DUCENDAM : propria communibus, Tua omnibus, ac Te Imperatori subiecisti. MAGNUM HOC ERAT, CUM PROMITTERES, MAIUS, POSTQUAM PRÆSTITISTI. Ratisbonam spectatissimis comitatus, ac exceptus ministeriis intraisti. mox ritu solemniter frequentes inter Imperii Proceres, SOLUS ARBITER RERUM, JURE AC NOMINE imperatorio, dubium gaudia magis, an Comitata auspiciatus ; immò certè gaudia. Quorum momenta tum justè admetiare :

VII.  
UT LEVET, INCUMBIT.



BurK: Schwanen.d.

G. And. Wolff: f.





-re : ubi tot gentium calentes gemitus, desperata suspirantium vota, altum jam confluentes Germaniæ calamitates, malum denique, cuius nec initia paucis infesta, mox universis ingruerat, ad lancem venerint. In Hungariâ, Moraviâ, Silesiâ incensæ urbes, arces, oppida, villæ, alia alteri suam cladem in proximum prælucebat exemplum: viæ igni & sanguine in parem omnes exitum ducebant, sive exitium. Opulentos prius quidem divitiæ, quàm hostis in captivitatem, & crucem agebant: quibus nullæ fortunæ, iis omne infortunium fuit. Coniuges fugâ, ferro, raptu divulsi, liberos, qui sensissent, ad immanissimam servitutem; quibus miseriæ arbitrium, aut vires non suppetebant, ad meditata cædes relinquebant. Militaria auxilia etiamdum nec in spe ulla aderant. quod barbaris hostibus in pace, & ante bellum infensis, furendi tunc impunem licentiam; nostris prorsus desperationem ingerebat. Aquilæ Sedes Austria sic integro adversario perinde impar, ut imparata, tunc trepidaverat, omni simul Germaniâ contremente. Ultima quidem perniciēs quamplurimos occupavit: metus, morte peior, omnes. solumque discrimen, an etiam certamen erat, feliciusne quamprimum, an postea mactarentur, à cotidianâ, ingeniosâque saviendi varietate, exempla sibi semper pejora formidantes. Tu Mitissime Princeps, causam procul adgementium suscipere: ejus gravitatem potentioribus quibusque declarare. quos ex iis idem periculum situ, aut fortè contingere possêt; succurrendi necessitate ad properanda auxilia trahere: quos hâc à curâ metûque, potentia seposuisset, aut patria: penetrante facundiâ ducere. atque ubi verbis demum fecisti, ut vellent, ac promitterent: præmissò tuomet ingenti exemplo effecisti, ut illi promissam opem quàm celerrimè expedirent. Confestim nempe pecuniam, arma, cæteros apparatus, adhæc milites submisisti: quorum pretium inde verò rectè computaveris, quod adjumentum Cæsari tulerint.

E

Fama,

VIII. Fama, ob quantam isthoc è solatio gratiam sperabat, solito perniciosior, simul ac excepta est, GUIDO-BALDUM ingenii nervos ad publicam tranquillitatem intendere: quis afflictorum non propediem convalluit? qui omnia metuebant, omnia modò sperabant. Incendia, vertentibus ventis adversas hostium domos involatura: direptas, vastatas urbes, nondum satis defletas parentum, conjugum, liberorùmq; cædes, totam suam crudelitatem ipsosmet authores conversâ favitiâ luituros. ex tam æquâ vindictâ, offensis interea solatium, respiranti Patriæ pacem, lætissimum victoriæ fructum exoriturum. Et verò Dii secundum tuam industriam, exploratis tantisper supplicantium votis, successum dedere; tanquam parum clara tua virtus celebraretur: nisi malis extremis, & multæ provinciæ, eæque frequentissimæ laborassent. Numquid enim meriti modus est, uti multos, & quantum flagitantes, obstrinxeris? Tuum utique opus fuit, Potentissimum Galliarum Regem, illum mancipatæ felicitatis Monarcham in medium venisse. Certè hæc victoria simul & virtus stetit. Is quidem totius causæ vacuus, prorsus & periculi fuerat: Sed Tibi concessit; nullâ equidem obsequendi, vetere magis favendi sponte: atque ut eius Majestas cæterum non vinci, nisi ad gratiam posse videretur. Ejus gentis gravissimo hoc bello Pannonico præstantia æternis annalibus digna est,

- - - *Et in acta referri.*

Celebri dudum encomio, GLORIA BELLI GALLOS ANTE ROMANOS FUISSE, Romanus confitetur. Et ALIA OMNIA VIRTUTI SUÆ PRONA ESSE: CUM GALLIS PRO SALUTE, NON PRO GLORIA CERTARE. Advenerat formâ, equis, armis pulcherrima Juventus. cuius si florem spectasses, integer hortus fuit: si numerum, & animos, exercitus: isque è summis familiis, atque omni deinceps nobilitatis gradu, velut singuli sui Regis vicarii. Eà verò etiam dignitate



VIII.  
SIC OPUS EST REFICI.



Burck Schramm. d.

G. And. Wolff. f.



111

THE GREAT WALL OF CHINA



te & æstimatione Juvavii à Te Eminent<sup>me</sup> Princeps excepti, totâque Provinciâ accurati munificentiam tuam in Orbem, postremo & suam urbem deportavêre. Hic miles ingentia itinerum spatia permenfus, tanquam otioso è contubernio adhuc alacer, infractusque mox integrum hostem petit: partim mergit, plurimos cædit, funditque: Binâ acie quinquies pœne amplior Thracum numerus victus est. Quam cladem etiam Bizantium tolerasset: nisi universæ nobilitatis delecta spes propemodum unâ concidisset. Ita scilicet illa gens Gallorum, cuius tunc virtus & palma supra dubium, illustres quoque, ac pares suæ victoriæ victimas cecidit. Ita securum bello finem, sancientiæ paci faciliora initia, sibi supervicturum nomen, communem omnibus lætitiâ fecêre. Postremò, quanti inde in Rege maximo erga nos meriti est, cuncta ista beneficia præstitisse: tantidem in Te est, ea gaudia, ea emolumenta procurasse. Ex unico hoc opere, quod solum frequenti Conventu dignum fuit, conjici debet, reliquum extracti temporis impendium quanto cum fructu, quàm TIBI DIES OMNIS SUMMA CUM UTILITATE NOSTRA, CUM TUA LAUDE CONDATUR. Et quanquam pleraque, olim scilicet grandibus edenda libris, etiamnum nos lateant: maxima sint oportet, quæ tam diu, tam solerter tractantur, atque à maximis rerum magistris. Stupebunt posteri quando cœva nostra fides, eaque oculata vix capit, Primatem Germaniæ, potentiâ, libertate rerum omnium natâ, factâque opportunitate felicissimum, domesticis etiam negotiis nunquam vacuum, alienis se affixisse. quæ ob causarum multitudinem laboriosissima; ob intricatam varietatem infinita; propter invidiam autem, utut eventus caderet, propè necessariam, planè intolerabilia. Quò magis Te adeò, ac jam in sex annos perdurantem admiremur, si tantas difficultates audentem, Quin PROPECTO MULTUM EST, QUOD

PERSEVERASTI : PLUS TAMEN , QUOD NON  
TIMUISTI NE PERSEVERARE NON POSSES.  
Comitia, quamdiu Comitia, nunquam tot in annos  
fuere. Quem, Dii immortales! quem Cæsar, ex o-  
mni, etiam inferiorum hominum numero ad inso-  
lubiles hæc moras reperturus fuisset alterum? Equi-  
dem ita constaturum neminem. Non paucos Hercle  
tanti officii solum nomen sic obruisset, ut ne annue-  
rent; vel ad initia jam inviti: & nihil ultra, quàm in-  
vitati. Quotusquisque negotia privata non objecisset?  
Provinciarum siquidem curæ, maxima sua capita im-  
plent, onerant, sæpè & inclinant: ut alienas consul-  
to insuper habeant. Satis esse, dum sibi, suisque re-  
ctè prospexerint. Inveneris, qui pulvinaria, pingua-  
que sua otia continuis illis, acribusque studiis, com-  
moda tædiis, feriantem, jocantemque aulam laboran-  
te Imperio minimè commutassent. Comici nempe  
verbo:

- - - *sefe omnes amant.*

Multorum promptitudinem, causarum illigata confu-  
sio; tum partium quarundam necessario concilianda-  
rum difficultas, ut non dicamus: & offendendarum  
certa invidia, retinuisset. Quorundam erga Oratores,  
ac externos invisa diffidentia, aut parcior comitas; cæ-  
terorum mobilis impatientia, vel hebetudô ad bea-  
tum exitum non pervenisset. Pluribus, ingenio aut  
æri, tanta omnia fuissent nimia. Adeo fortuna qui-  
busdam negotio ccepto; aliis jam antea, spem integri  
successus præstrinxisset. Verum enim verò, ut etiam  
rerum prudentia, opes, voluntas alicui adfuerint, &  
industria. Cui autem alteri, (quod unicum ad operis  
cuiusque coronam:) sic firma, sic diuturna? Tu nimi-  
rum Eminent<sup>me</sup> Cardinalis, quanquam futuri molem  
negotii, simul ac oblata est, quantamquantam penitus,  
adeò non temerè, præsenferis; postquam suspectandæ  
ambitioni modestiam præstruxisti: Sola Tibi com-  
menfa-



IX.  
DONEC SPES ULLA LABORIS.



Burck: Schwanen.d:

G. And. Wolff: f.



menfarum nota virtutum conscientia firmavit , ut  
fufciperes: fuffecit, ut perferres.

Cæterorum primatum curas , altero tanto , ac gra-IX.  
vior pondere excedunt Tuæ : quia civilibus, super-  
ftant facræ, eæque ampliffimæ, tertio jam ab augmen-  
to. Hæ mentem quidem tuam fic occupant, ut juxta  
tamen capiendis negotiis etiam communibus, angufta  
non fit: intendenda fanè, quantum valet, bono publico.  
Huius caufæ ergò, Magnatibus ea capacior à Diis eft  
infita. Quisquis tantummodo fuis confultat, & cu-  
rat, cæterorum omnium negligens eft, ac incurius.  
Tu Imperii difficultatibus præfens, totusque ades.

- - *Pariter fuades, qualis es,*

Diem noctémque circumdatus. ut quærere libeat,  
quomodo Provinciam tuam procul; quafi tamen folam,  
atque adfitam gubernes, nihil remiffio veteri  
more, ac proventu. Numquid per feclufum ab fol-  
lemni Conventu otium? at nullum fuperat.

- - *Manè quod Tu occæperis*

*Negotium agere, id totum procedit diem.*

An per miniftros vicarios? at ipfe fingula legis, audis,  
dictas, fcribis, imperas. Poftquam fcilicet Imperia-  
libus fic infuevifti laboribus, ut jam non fatigent:  
minora quæque, peragis, tanquam nihil onuftus. For-  
tean INSTAR REFLECTIONIS EXISTIMAS MUTA-  
TIONEM LABORIS. Quod ubi vidit Ratisbonenfis  
Ecclefia, quantislibet curis ingenium tuum fuperelle:  
fuas quoque, piam impudentiam fuperante fiducia,  
fubjunxit. fub eo, qui pro omnibus exftat, una etiam  
ex iis omnibus futura. Feliciter! Mirum enim inter  
Dioctæ turbas, quantum hanc ftatim ordinaveris, au-  
xerisque. Fuitne Infula, quæ non pari exemplo defi-  
deraverit iftud Caput? At nimium dividi, confulto  
ingenium nolebas. tum ut integrius id Cæfari, & Ju-  
vavo fervares: & quò plures effent, à quibus defidera-  
reris. Tunc, quoniam Tibi dotes fuperfluunt: Paffavi-  
F enfis,



ensis, Brixinensis, aliæque Dignitates saltem Tuos, & ex sanguine petiverunt. Tridento negari Tu ipse non debuisti: qui solus tot sæculis emeritam spem tam serò compensare potes. Difficilis nulla adeò res est, quam deferas infectam, aut læto sine successu. Quippe,

- - *Ut quisque rem accurat suam:*

*Sic ei procedunt post principia denique.*

Et verò quid ardui, obicisque impediat, in quotidianâ ad virtutem, nec aliorum tritâ viâ? In hanc, reliquis, quotquot præis Principibus, Te Illi ut sequantur necesse est. Illuc ergo ipsos ducis, ubi Concordia, nulla invidia agitat. Alterius animum, nisi pro eodem pignore, frustra integerrimum sibi quispiam promiserit. auro, gratiâ, beneficio emptus, instar mercis habet: ubi forum est, permutatur. Quandoquidem animus sincerus & liber, divinâ suâ dignitate nulli, ac nullâ rerum mortalium comparari patitur: suummet ipse pretium solus sese sibi compensat. Inde veri integrique amici Alteri-ipsi. Atque ista demum humanitas est: quâ homines, uti ipsa simplex virtus, uni interesse, iidemque vivunt. aliâs vix homines, aut nec homines censeantur. quâ parte enim homines, si non humani; aut humani, si non homines? Multo autem maximè summatum potentia, cum sese hætenus demittit, mentes capit & homines: quando scilicet se tales etiam Diis geniti agnoscunt. quia summa auctoritas fidem citra dubium; gratiam ultra fidem habet. Præterea Princeps, quotquot mortalium ipse caput est, omnium erga se affectus & animos velut suos, secum ei afferre creditur, cuius amicitia se immittit. Quid enim Princeps, nisi maximus, sive plurimus homo? proinde plurimum humanus. Placidissimum exemplum, simul vivum suspicimus in GUIDOBALDO. de cuius gratiosâ humanitate si rogentur eiusdem populares: prope contubernium profitebuntur.

Si

X.  
USUSQUE, MODUSQUE CONSILII.



Burk: Schramm d.

G. And. Wolff: f.





Si quos causa , aut fors obviam dederit : vocat, alloquitur , invitat ; & cum ipsis est. Audiat, verò, & alloquatur : sed Suos. civile est ; & juvat sciscitantem. fidat , ut ne quid alienis : cautissimum. largiatur, ad se cum fœnore lucri , aut gratiæ utique reditura : commodum. sese aperiat, communicet : absque periculo amabile. Inter scilicet Suos ita se habeat. Tametsi profecto solidæ istæ sint virtutes : quia tamen domesticæ, ac solitæ ; ferè etiam viles : minusque ex malâ vulgi, rudique indole æstimantur ; aut nec agnoscuntur. Dignius ergo virtutis testimonium ab externis petemus, quos nemo dubitat , post domesticos, ac parcius beneficia capere : benignius tamen, & quò minus his ex consuetudine provenerunt, cum gratitudine arbitrari. At Clement.<sup>me</sup> Princeps, quia pariter ad omnes, semperque, & ubique virtutum tuarum totus es. etiamsi tantundem gratiæ alieni hauriant , quantum nos præcepimus : minus tamen Tui non erimus ; sed plures. immò nos magis adhuc Tui, quia diutius.

Delegati ad Comitia Oratores, sapientiâ ac dexte-  
X.  
ritate utique selectissimi experiuntur, quantum Famæ posthac credendum. Hi postquam in serio confesso judicantis prudentiam reverebantur : ad cœnam, & colloquia tua non admissi, sed invitati, discurrentis , atque cum potestate blandientis Principis apertam comitatem demirantur. Ita suaviter PROVOCAS, REDDISQUE SERMONES. & quos lautissimis epulis implevisti : illis affabilitatis adhuc NULLA SATIETAS AD-EST ; QUANDO SINCERA OMNIA, ET VERA, ET ORNATA GRAVITATE. Non autem inter convivia modò, cor tuum edere soles, ut aliàs clausum, conditumque teneas ; firmius amicos non devincturus, quàm in cœnam durantes. Constantissimos habes. ut quos natura tua, non studium paravit. Ad mensam hospites vocantur, & veniunt, ut abeant amici ; in posterum

rum domestici. Quibuscum reliquam diem laboras, in mensâ item reficis. Unde eos, tam varia quidem ingenia, sic Tibi consuefecisti, ut in maximè diuturnis, impeditisque negotiis constante tuâ industriâ, & ipsi persistant: quidquid agitaveris, & illi connitantur. hoc est: quod volueris, idem velint, toti amici, & ex animo tuo. Ad difficultates, fiduciâ tui ingenii durant: profusi impendium temporis, patriæque caræ desiderium, propinquâ consuetudine & fructu tuarum redimunt virtutum. Et cum omnium supremus, tamen omnium ames, studeâsque amicus haberi: nemo reperitur, qui non contendat tanti esse. adeò amantes, fidentésque per candorem istum invenis, aut facis. NULLUM MAIUS BONI IMPERII INSTRUMENTUM, QUAM BONI AMICI. Quid si plurimum Potentes? Tales quoque HABES AMICOS, QUIA AMICUS IPSE ES. Quis credat, nullo stipatum terrore, aut milite, tanta capita, tantas manus subegisse, nisi capite item, & manu amicâ? Silemus. at silemus? quàm novo, raróque gaudio tota Patria conspexerit, vicinos, summos illos Austriæ, Baviaræque Principes, Majestate ad familiarem, ac lætitiâ propè fraternam remissâ, longos per amplexus (Tene suaves ad hæc solatia, lacrimas, si potes, si cæcus es, Juvave!) mentes invicem illigasse: sic mutuâ gratiâ permixtos, Te inhærere Illis; Hos sustinere, ut detinerentur: postremò in abutum divulsos confinia æternæ amicitiae sanxisse. Dii Indigenæ, Dii immortales, O firmate, servate hæc sancta vincula! Ita præcipuos, ita qui deinde sunt, benignè pariter excipis, ut capiantur: sic munificè in omnes exsolutus es, ut obligentur. Verè Tullius: LIBERALITATE QUI UTUNTUR, BENEVOLENTIAM SIBI CONCILIENT. Quam si exigis, universum pænè orbem ad Quæstorem vocas. Nam quæ conditio mortalium, aut gradus, tuam apud beneficentiam suum nomen non profitetur? Rectè Liberalitas, sed ante quam-

quamvis aliam Tua, à Grammaticis ex libertate componitur. In eos munera fundis, à quibus, ut refundant, nec sperare potes : ab aliis, qui partim possent, sperare non vis. quia principio Tibi obstinatum est, nihil invicem recipere; nec mercari, sed largiri : ac beneficium, cuicumque præstitisses, imputare nemini. acceptâ sententiâ :

- - *Bonis quod bene fit, haut perit.*

Admirante memoriâ dignum, & Principe factum. Quando August.<sup>mus</sup> LEOPOLDUS, quando Seren<sup>us</sup> alii Duces frequentissimis suis cum famulitiis, Salisburgi ingenti etiam ministerio accurabantur : serîo tuis inhibuisti, ne debita servitia præmiis venderent : & quæ officia ex æquo hospitibus, & spontè venirent, ne vānirent. Contra, QUANTÆ CURÆ TIBI FUIT, NE QUIS EXPERS LIBERALITATIS TUÆ FIERET, quem semel ad manum admisisses? Planè novo hanc ad rem ingenio, exteros supra hospitii lautitiem, à primo postremum usque, singulos ad memoriam donasti. & mirum ! postquam in alienos plurima dilargitus, tuisque domesticis multam spem munerum exhausisse videreris : tantundem restare, quàm si pepercisses. Ultimò ut supra tua, etiam Te adderes : eadem ingenii, quæ æris profusio, atqui & superfluitas est. Non fortasse nemo nostram audire Patriam ad ista ingemiscentem sibi fingat. meritò nimirum fore, ut optimum suum Principem alienis commodis detentum, tanquam destituta ipsa desideret: iis veluti solis intentum, neglecta ipsa invideat. & quia in universâ gignentium naturâ nihil amabilius esse bono Principe & capite potest : nihil item minus tolerabile fieri, quàm ejusdem desiderium. Sed verò, quando Imperium GUIDO-BALDUS totum curat : præcipua ejus pars Juvavium à felicibus illis curis adeò secludi non potest ; ut secus Imperium non totum curet. Cur autem Salisburgum iis inuideat, quibus utili cum dignitate commiscetur?

G

Siqui-



Siquidem quantumvis meriti, gratiæque Princeps vicinis, externisve in Regnis ferit: ejusdem id omne merent, fruunturque Provinciæ. Propterea GUIDO-BALDUS, etiam si sumptus in domesticas causas facti, computari quidem possint; in exteras, vix conjici: alienis promptissimus, suis parcior videri non debet. Parva narratio Patriam excitet, ac lividum dolorem levet, aut ingratitudinem. Ad perfectum maximæ Basilicæ ornamentum, centum viginti duo Philippicorum nummum millia numeravit, largitè pio principio futura auspiciatus opera. Mox, ut Provincia sentiret, quantum præstet Principe frui, quàm Dominum pati: In Patriæ universum, diversumque levamen, ac incrementum, quâ debita exsolvendo, quâ exactiones mitigando, supra vigesies sexies centena millia Philippum partim impendii, partim compendii fecit. Quò Successoribus etiam fructus aliquod, seu exempli beneficium locaret: solitos redditus plus quinquaginta sex millibus auxit. extra quem numerum, alpes insuper, villæ, alia emta, structa, resecta grandi suo sunt pretio. Dubias præterea causas, diuturnis sumptuosisque litibus graves, ingenti, sed pretioso quoque studio composuit, optabili posterorum quieti, ac lucro. Et quia tanti quisque censetur, quanti ea quæ facit: præter illa, quæ ad aulæ, vel urbis commodum spectant: decora certè, qualia una pars orbis, aut nec ipse habet, publicum hæc ad oculum exposuit. Præstantissimum in aperto foro Fons, aut verius è candido marmore, & arte Mons est, pulchræ liberalitatis res, atque symbolum. aquam in supremâ conchâ natans Triton triginta Stadia canalibus adfusa in proximas nubes exspuit, & procul venientibus miracula propinat. Hippodromus alterum, ac Principale decus, vacuato monte, & in Amphitheatri modum cavato, antiquam magnificentiam novo studio æmulatur. Præter Templum, Aulam & alia, Musas etiam, quas liberalissimas ingenio suo expertus  
hic

XI.  
NIL LEVE PRO SESE ET PATRIA.



BurK: Schramm. d:

G. And. Wolff: f

THE UNIVERSITY OF CHICAGO





hic Princeps est , pariter itidem culturus, in Collegio Salisburg. Ichthiotrophium perennibus aquis insigne, addito ædificio supposuit. Quæ simul, ac plurima publico tum commodo, tum splendori ducentis fere Philippum millibus edidit. Monasteria Religiosorum pauperum, Seminaria, magnoque censu alii ex amplissimâ hac manu cottidie comedunt, bibuntque. Ei nimirum, QUI OMNEM ÆTATEM IN OPTIMIS ARTIBUS EGIT, BENEFACERE IAM EX CONSUETUDINE IN NATURAMVERTITUR. Ultimò rationem priùs amittat, quàm rationes quispiam inierit, quantum in maximos Hospites, quantum hisce tot annis, in gratiam præsertim Domûs Austriacæ , quantum denique in totius Imperii emolumentum; & verò quid æris non profuderit? quando iis semetipsum impendit, si non & prodigit.

Ingenii quidem opera per sese immortalia sunt : XI. largitiones plerumque à modo meritum , & ætatem sumunt. quæ singulis donantur , ferè commoriuntur : quæ in universos benefeceris , supervivunt. Sed hæc posterior ad æternitatem via, Solis patet potentibus; coque libentius iis ineunda. NULLUM EST ENIM MAGNO PRINCIPE , IMMORTALITATEMQUE MERITURO IMPENDII GENUS DIGNIUS, QUAM QUOD EROGATUR IN POSTEROS. Hæc ergò maxime Princeps si Temet regula metiris : & quantus sis ipse vides : & prævides , quàm longè superfuturus. At nobis utinam semper porro præfens! Nam, quantum Te alii coram fruuntur : tantundem nobis per Tui absentiam decessit. Si placidissimo tuo aspectu alii, si gaudent alloquio: Nos exoculatâ, silente languemus aulâ. Si divina consilia ab ore tuo felices excipiunt : quàm longè nos , quàm difficulter Delphos proficiscimur ! Dum alibi tuam spargis beneficentiam : illi in usu , nos in votis habemus. Finge Tibi Famam, omnes ut solet, omnino domos patriæque angulos pervagatam , ex his , quæ

G 2

undí-

undique percepisset , commune istud , dum abesses ,  
verbum referre : Quando Princeps noster , denuo no-  
ster ? quid agitat , ut usque moretur ? Exteros fata  
habeant , dum nos GUIDOBALDUM ! Quibus  
verbis , quantum peccavimus , excessus desiderii fuit.  
In multitudine , in populo semper deprehenderis ,  
quod condones. deinde calentes amantium impetus  
non excoquantur. Cæterum sapientes , æstimatione  
communis boni privata sua vota vincunt : atque ama-  
bilem Domini vultum tantisper indulgendo , lucrari  
gaudia sciunt. lætius utique visuri post accensa desi-  
deria , & cum plenâ subactæ gloriæ copiâ redeuntem.  
de longo actionum aggestu quærentibus , & querenti-  
bus , expertissima omnium Ratisbona totum Pro-Cæ-  
sarem , vero isthoc dederit compendio : OMNIUM  
SOMNOS ILLIUS VIGILANTIA DEFENDIT ,  
OMNIUM OTIUM ILLIUS LABOR ; OMNIUM DE-  
LICIAS ILLIUS INDUSTRIA ; OMNIUM VACATIO-  
NEM ILLIUS OCCUPATIO. Enimvero mitiori viâ  
officia tam ardua nihil progrediuntur. VIGILANDO ,  
AGENDO , BENE CONSULENDO , PROSPERE  
OMNIA CEDUNT. Ista singularis , vereque felicitas  
Tua est Eminent<sup>me</sup> Cardinalis , eamque prosperrimo  
experimento Patria , & quantus circa , atque ultra il-  
lam est orbis agnoscit. Nihil scilicet , quantumvis  
difficile , aut magnum reformidare : fiducia suc-  
cessûs ex virtutum conscientia , adgredi , ac finire.  
NEMO EST ERGO TAM TUI , TAM IGNARUS  
SUI , UT LOCUM ISTUM POST TE CONCUPI-  
SCAT. FACILIUS EST , UT ESSE ALIQUIS SUC-  
CESSOR TUUS POSSIT QUAM UT VELIT. Beni-  
gnè accipies Clement<sup>me</sup> Princeps , plura nos eorum Tibi  
addicere , quæ olim alius , omnium optimo Principi.  
Siquidem cum vaticinii æstimatione in tuæ laudis au-  
ctarium veniunt : quòd , quæ ut diximus , omnium  
quondam Principum optimo , post tot ætatum inter-  
valla



XII.  
TANTI VIGILANTUR HONORES.







valla Tibi æquissimè conveniant. Et sicut integerri-  
ma illius virtus priorum omnium Imperatorum eo  
usque celebrem memoriam oppressit : ita Tu ONE-  
RASTI FUTUROS PRINCIPES , SED ET POSTE-  
ROS NOSTROS. NAM ET HI A PRINCIPIBUS  
SUIS EXIGENT, UT EADEM AUDIRE MEREAN-  
TUR : ET ILLI, QUOD NON AUDIANT, INDI-  
GNABUNTUR. Equidem nec iste terrarum orbis, vix  
etiam pòst victurus, pari merito tam exporrectam de  
alio prædicabit munificentiam, tam munificam comi-  
tatem, tam comem facundiam, tam facundam poten-  
tiam, tam potentem rerum quarumlibet expeditio-  
nem, tam expeditum consilium, tam consultam ad  
feliciter quæque peragenda constantiam ; postremo  
cuncta illa, ad quæ domi, aut foris, præsertim nego-  
tiosissimis istis in Comitibus prorsus unicus inveniris.  
Sed neque ALTITUDO INGENII INCREDIBILIS  
negotium aliud suscipere debuerat, nisi quod non ef-  
fet aliorum modò viribus, verum etiam fide maius ;  
soli nempe pars sibi. quò, cùm cæterorum ingenia  
opprimerentur : tuum tamen laborasse videretur ; ac  
perinde tanto ex opere ultra præsentem famam, &  
à posteris longissimam laudem peteret.

Grande istud solatium est, in publica fatigatis :XII  
quòd SUUM CUIQUE DECUS POSTERITAS REPENDET.  
Unde Tu præquam alius ullus, gratæ quidem olim  
memoriæ securus es ; ob meritorum autem magnitudi-  
nem infinitus. Ea quondam nisi patrios fines exces-  
sissent : tametsi parva nequissent, coërcita tamen cre-  
derentur. nunc quoniam totum orbem occupavêre :  
apparet, quantos, & quamdiu obligare potueris. Non  
autem est, ut tantis beneficiis ita serò, atque in um-  
bras sua præmia differamus. tametsi modestia tua  
necdum cogitet, quæ plurimorum ambitio nec expe-  
ctare potest. Certè HORUM UNUM, SI PRÆSTI-  
TISSET ALIUS, IAM DUDUM ILLI RADIATUM  
H CAPUT,

CAPUT, ET MEDIA INTER DEOS SEDES AURO  
STARET, AUT EBORE. Atqui isthoc etiam hono-  
re Tu plus uno gradu, non abes. tantillum nempe re-  
stat, ut sis Sanctissimus. Cum enim neque sacras, eas-  
que maximas curas à summo Imperii gubernaculo se-  
posueris; adeoque utrisque pariter insueveris: quidni  
& supremas Ecclesiæ dignè modereris? Hac de causa  
Sanctissimus rerum arbiter Purpuram Cardinalitiam  
superjecit Imperatoriæ: quòd utramque scilicet, pari-  
bus ferres humeris. Id decus, utique omnium sum-  
mum, quia nullo, nisi meritorum respectu, ab utro-  
que Summate Tibi collatum est: ea quoque pro sum-  
mis agnoverint oportet. Reverà summus Pontifex  
sublimius Te evehere nullo modo potuit, quàm  
constituendo, ut Idem post ipsum esses: Cæsar  
autem; ut simul cum Ipso esses, sive Alter-Ipse.  
Adeò commensa igitur OMNIA SUMMA RATIONE  
GESTA, FORTUNA SEQUITUR. In quâ dum Te  
primum conspiciebamus, quàm gloriosa simul eorum  
omnium, quæ feliciter egisti, mentibus nostris imago  
obversabatur? quantumcunque gratiæ, meriti, gloriæ  
in Te refulserat: id omne nostrum, & nos ornare læ-  
tabamur. Quidquid nunc gratitudinis tot aliæ Pro-  
vinciæ Tibi obligatæ sunt, id quòque debitorum no-  
bis in commune Tecum vindicamus. Verùm pro eo,  
quòd propter Te quidem omnia nobis debent, nihil,  
quàm Te deprecimur, in quo nobis omnia sita sunt.  
omnia proinde solvent, quando Te solùm, (utinam  
quàm proximè!) restituent. Et quanquam nihil à  
pristinis moribus mutatum Principem recepturi, novis  
tamen gaudiis ab hætenus dilato aspectu cuncti com-  
plaudemus. Tam æqualis ab adventu tuo lætitia per-  
cipietur, quàm omnibus venies. Tunc denique Salis-  
burgum Ratisbonâ, illis negotiis nostra; tunc iis, quos  
alibi amasti, & quidquid laboris aut liberalitatis im-  
pendisti; tunc toto Imperio, quando rediveris, nos  
potiores



potiores videbimur. Publicam hanc lætitiā optata spes alit : futurum scilicet, ut posthac à nobis non abstraharis. Primò enim , causam publicæ pacis, illo utique modo hætenus egisti, ut eam quàm proximè peregeris. atque adeò tam similis causæ, quàm talium Comitiorum imposterum necessitas extincta sit. Deinde pars utraque hunc in apicem venistis : ubi Tu supra nil mereri, Maximi Pontifex & Imperator ultra honorare non possent. Quid nos humilis, impar turba jam conferemus? Animos. quos multi multos, tamen erga Te unos habemus, constantique fide amantes. tanto Cardine clavum firmissimum : & quo Hercle tota nostra fortuna perpetuò vertatur benè. Licet popularium quidem affectus singuli, quid Principem juvent? universi tamen res una omnium huic sunt præstantissima. Ex istâ ergo animorum unione omnem Tuam felicitatem gratis junctisque votis Tibi perpetuam congratulari volumus. Neque enim vellemus, nisi grati : & congratulari, nisi unanimes, non possemus. quomodo autem ex æquo unanimes? nisi omnia Tua merita in omnes, velut in unum; atque adeò ipsa omnia unum, sed immensum essent. Ita agnoscimus, ac profitemur. tanto propterea diligentius curaturi, ut quamdiu meritissimâ isthac in Purpurâ nobis, O quàm diutissimè ! præfulgebis, nullâ unquam in Te culpâ paleamus.











June 17-2  
30F



